

Nr 373

Staatâräädi miärádâs**kuáskimijn puásuituálun čyeccee vahâgij sajanmäksimist**

Adelum Helssigist 18 peeivi njuhčamáánu 1999

Staatâräädi lii pirâsministeriö oovdânpyehtim maŋa meridâm:

1 §

Heiviittensyergi

Kuáskimijn puásuituálun čyeccee vaahâg puásuitipšomlaavâst (48/1990) uáivildum puásuitipšomkuávlust sajanmáksoo staatâ budjet mieldi staatâ vaarijn ton náálá ko taan miärádâsâst asáttuvvoo.

2 §

Sajanmáávsu vuáđuldâh

Sajanmáksu vuáđuduvá kuáskimij purâmužžân koddám poccui árvuštállum miärán (*rekinistum vaahâg*). Sajanimáksu miärášuvá kuáskimij pessimtilálâšvuodâ já toi čivgámere vuáđuuld rekinistum reviirokuáhtásii kiärduttâs mieldi.

3 §

Sajanmáávsu meeri

Sajanmáávsu ruttámeeri vuáđuduvá pirâsministeriö nanodem rekinistum vaahâgáárvun kiärdutmáin 2 momentist, 4 § 2 momentist tai 5 § 1 momentist uáivildum kiärduttâssáin.

Reviirikuáhtásâš kiärduttâs eres ko 4 §:st mainášum palgâsij vijdoduvvâst kuáskim aassum reviirist lii ohtâ. Jis kuáskim aassum reviiiri pyevtit čiivgâid, lii kiärduttâs kuittâg kulmâ.

4 §

Loptejum sajanmáksu

Taan paragraafist uáivildum aledum kiärduttâssáin váldoo uáinun poccuu stuárráb uási kuáskimij purâmušâst 3 momentist mainášum palgâsij vijdoduvvâst.

Aledum kiärduttâs kuáskim aassum reviirist lii kyehti. Jis kuáskim aassum reviiiri pyevtit čiivgâid, lii kiärduttâs kuittâg vittâ.

Aledum kiärduttâs kiävttoo rekinistittijn sajanmáávsu mere čuávuvâš palgâsij vijdoduvvâin orroo kuáskimij reviiirijn:

- 1) Päñituodâr,
- 2) Avveel,
- 3) Kaalduáivi,
- 4) Kietâkierrâg,
- 5) Kyrö,
- 6) Lappi,
- 7) Mudusjävri,
- 8) Myedhitsuodâr,
- 9) Näkkäl,
- 10) Njiävđám,
- 11) Pačvei,
- 12) Paištuodâr,
- 13) Sallivääri,
- 14) Vääččir.

5 §

Sajanmáksu räjivijdoduvvâst

Reviirikuáhtásâš kiärduttâs Suomâ já Taažâ rääji kuábbáá-uv pel ollee reviirist, mon piervâl lii Taažâbeln, lii ain kyehti.

Puásuitipšomkuávlv rääji máddáábel ollee kuáskim reviirist máksoo uásálâš sajanmáksu.

6 §

Sajanmáávsu mäksim palgâsáid

Sajanmáksu máksoo palgâsân puohâin ton vijdoduvvâst orroo 3, 4 tai 5 §:st uáivildum kuáskimij reviiirijn.

Reviirikuáhtásáš sajanmáksu juáhho palgâsij kooskâ, jis lii tiädust, et reviiri kuáskimeh kevttih poccuid purâmužžân maangâ palgâs vijdoduvvâst. Jis reviiri lii mottoom uásild 4 § 3 momentist uáivildum palgâs vijdoduvvâst, rekinistoo sajanmáksu kevttimáin 4 § 1 momentist uáivildum kiärduttâs ubâ reviiri uásild.

Laapi pirâskuávdáš meerrid sajanmáávsuin já máksá sajanmáávsuid palgâsáaid pirâsministeriö tade várás čujottum vaarijn sehe pirâsministeriö miäradâsâi mielđ. Sajanmáksu máksoo ihásávt roovvâdmáánu 31 peeivi räi.

7 §

Sajanmáksu vittádum poccuin

Paalgâs máksá sajanmáksuruudâin poccuu omâsteijee vátamuš mielđi sunjin sajanmáávsu vittádum poccust, maid kuáskim lii koddám, teikkâ ton lii karttâm koddeđ kuáskimijn čyeccee vaahâg tiet.

8 §

Čielgiittâsah já tarkkuumeh

Meccihaldättâs čielgee ihásávt kuáskimij

Helsigist 18 peeivi njuhčâmáánu 1999

Pirâsminister *Pekka Haavisto*

pessimtilálâšvuodâ já čivgâpyevtittem 3 § 1 momentist uáivildum reviirikuáhtásii kiärduttâs rekinistim várás sehe čielgee já táárbu mielđ árvuštâl Taažâ vijdoduvvâst Suomâ räáji aldasijn orroo reviirij lohomere.

Táárbu mielđ Meccihaldättâs puáhtá poccuu omâsteijee táttum maŋa ornid vaahâgsajan meccitarkkum vittádum poccuu jäämmimsuujâ visásmitem tiet.

9 §

Tärhibeh miäradâsah

Tärhibeh miäradâsah taam miäradâs olášutmist addel pirâsministerö táárbu mielđ.

10 §

Vuáimánpuáttim

Taat miäradâs puátá vuáimán 1 peeivi cuáŋuimáánu 1999. Miäradâs heiviittuvvoo juo 1 peeivi uddâivemáánu 1998 räájist nuuvt, et ive 1998 pessimpuudâ sajanmáávsuh máksojeh 15:d peeivi cuáŋuimáánu 1999 räi.

Pajekoccee Leila Suvantola